

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus II. De abrogatione, & cessatione antiquæ legis.

[urn:nbn:de:hbz:466:1-74152](#)

& proximi, tametsi expressum non esset formaliter in Decalogo, tamen virtualiter in illo continetur, sed quod omnis lex in DEI & proximi charitate funderetur. Unde D. Gregor. hom. 27. in Evang. *Præcepta Divina sunt quidem multa per diversitatem operis, sunt tamen unum in radice charitatis.* Alia vero præcepta moralia magis particularia, ut quæ spectant ad virtutem Religionis, temperantiam, justitiam &c. ideo virtualiter continentur in decalogo, quia sunt tanquam conclusiones in suis principiis & fructus in se-mine.

Quæres secundò. Quomodo præcepta moralia pertineant ad legem Veteris Testamenti, cum potius videantur pertinere ad legem naturam? Respondeo cum illustriss. Reding loc. cit. n. 8. distinguendum esse in ejusmodi præceptis diversum ordinem. Nam primum per illa hominem ordinatur ad honestum naturale tanquam finem naturæ rationali quæ tali proprium, & sic pertinent ad legem naturalem humanis mentibus à DEO auctore impressam. Secundò potest per illa hominem sub lumine fidei divinitatem revelatae ordinari ad finem supernaturalem ejusmodi præceptorum observantia meritorie consequendū: & sic pertinent ad novam legem gratia. Tertiò per illa ordinabatur populus ad Meliam ventrum, ut nempe observantia ejusmodi præceptorum sub promissione temporalium honorum, majori puritate diligneretur ad Christum ex se nasciturum: ut enim D. Th. hic q. 98. a. 4. ait, soli Iudeorum populo legem dari debuisse, quod, cum promissiones de Christo Iudeorum Patribus factæ sint, decenter, eum populum, ex quo Christus nasciturus erat, quoddam speciali sanctificatione pollere. Unde etiam Apostolus Rom. 3. docet, illi populo credita fuisse eloqua DEI: & sub hac postrema consideratione præcepta moralia propria sunt veteri testamento.

Quæres quartò. Quotuplicia fuerint præcepta judicialia? Respondeo cum eodem S. D. q. 104. a. 4. juxta quadruplicis ordinis distinctionem judicialia quoque præcepta in quatuor classes posse dispesci. Prima est eorum, quibus constituebatur certus ordo inter Principem, seu Magistratum & populum: secunda, quibus ipsi populares inter se; tertia, quibus populus ad extraneos; & quarta eorum, quibus domestici inter se, maritus & uxor, parentes & filii, dominus & servus ordinabantur. Prima classis continebat mutua officia Principis & subditorum; Altera officia ciuium, vendiciones, emptiones, &c. Tertia officia versus extraneos, ut bella, suscitiones peregrinorum, &c. Quarta domesticam conversationem &c.

ARTICULUS II.

De abrogatione & cessatione legis antiquæ.

SUMMARI A.

1. Lex antiqua abrogata per Christum.
2. Quo sensu dicatur eterna?
3. Non fuit abrogata ante passionem.
4. Sed in ipsa morte Christi.
5. Quo sensu aliqua præcepta antiqua legis dicuntur mortua, vel mortifera?
6. Lex quoad omnia præcepta fuit inegalitaria mortua.
7. Ceremonialia quando coperint esse mortifera?

§. I.

An & quando lex antiqua fuerit abrogata?

CONCLUSIO PRIMA. Lex antiqua fuit abrogata per Christum. Est certa Catholicon contra Iudeos, ex D. Th. q. 103. a. 3. & 104. a. 3.

Probatur primò veteris testamenti autoritate: ubi Jer. 31. DEUS promittit: *Faciam domini*

R. P. Mezg. Theol. Schol. Tom. II.

Israël, & domini Jacob fadus novum non secundum pactum, quod pepigicūm Patribus eorum, in die quæ apprehendi manum eorum, ut educerent eos de terra Egypti. Præterea Ablatio & mutatio sacerdotio legis antiquæ, non potuit illa salva consistere, siquidem præcepta ceremonialia majori ex parte referuntur ad sacrificia & sacerdotium antiquæ legis: sed fuit ablatum sacrificium & sacerdotium veteris legis, ut haberetur apud Daniëlem c. 9.; fuit etiam à Christo mutatum partim per sacrificium cruentum in Cruce, partim per incurvum in ultima cena, ubi Christus se exhibuit Sacerdotem non juxta ritum & institutionem legis Mosaica, sed secundum ordinem Melchisedech, prout de ipso dicitur Ps. 109. *Tu es sacerdos in eternum secundum ordinem Melchisedech.*

Probatur secundò autoritate novi testamenti: præterquam enim quod hanc veritatem rot

P. B.

spisola

epistola ad Galatas D. Paulus propagat, etiam ad Rom. c. 7. dicit: *Vos mortificati estis legi per corpus Christi.* Et Hebr. 7. Reprobatio quidem fit precedenti mandati, propter infirmitatem ejus & inutilitatem. Et S. Petrus Act. 15. Quid tenuatis DEUM imponere jugum [legis] super cervices discipulorum, quod neque patres nostri, neque nos portare potuimus: sed per gratiam Domini nostri IESU Christi credimus salvari, quemadmodum & illi.

2. Dices. Quod est aeternum, non est mutationi & cessationi obnoxium: sed lex antiqua in S. Scriptura sepius dicitur aeterna: ergo non est mutationi & abrogationi subjecta. Secundum. Christus dixit: *Non veni legem solvere, sed adimplere.*

Respondeo ad 1. Vocari aeternam, vel primò quoad rem significatam, nempe Christum & Evangelium: vel secundo, quia diutissimè duratura, prout aeternitas in S. Script. & apud Hebreos sapientius accipitur iuxta SS. Interpretes: vel tertio, quia non habet alium terminum, nisi ipsi legi intrinsecum, & a legislatore intentum, nempe veritatem Evangelicam, quam per mortem Christi instituta umbratilis illa & figurativa lex veteris testamenti non poterat ulteriorem sui duracionem postulare.

Ad 2. Respondeo, sensum esse, quod Christus non vener ad tollendam illius legis observantiam, priusquam illius figura per suam mortem & passionem implentur: tunc enim non amplius poterat esse locus umbris & figuris.

3. CONCLUSIO SECUNDA. *Ante Christi passionem lex antiqua non fuit abrogata.* Est contra Scotum, qui in 4. dist. 3. q. 4. §. quantum ergo, docet, saltēm praeceptum circumcisionis [quod facile extenditur etiam ad alia praecepta] fuisse mortuum statim ab institutione baptismi.

Ratio juncta authoritati est: Tunc solūm lex vetus cœpit abrogari, quando lex nova cœpit obligare, novumque testamentum fuit conditum: sed novum testamentum non fuit conditum nisi in sanguine & morte Christi, neque ante ipsius mortem cœpit obligare lex Evangelica: ergo ante mortem Christi lex vetus non potuit abrogari. Minorem tradit Apostolus Hebr. c. 9. Ideo, inquit, novi testamenti mediator est, ut morte intercedente T.O. Testamentum enim in mortuis confirmatum est, alioquin nondum valer, dum vivit, qui testatus est. Rursus de tabernaculo, id est, sacerdotio & religione veteris testamenti loquens significat illud durante usque dum Christus sanguinem fudit: *Prius, inquit, tabernaculum habet statum, & offeruntur munera & hostia, donec propalata fuit sacramentorum via, & Christus per proprium sanguinem introivit semel in sancta aeterna redemptione inventa.*

4. CONCLUSIO TERTIA. *Tota lex antiqua fuit mortua, consummata per mortem Christi sacrificio in ara Crucis.* Ratio est: quia lex antiqua fuit alligata statui veteris Testamenti, quo proinde sublatu etiam illa suam amissi efficaciam: atqui in morte Christi sublatum est testamentum vetus, confirmato jam per mortem testatoris novo Testamento Heb. 9. translatu à Synagoga sacer-

dio, impletis precedentibus variis & figuris, consummatis per crucis sacrificium omnibus sacrificiis, in cuius signum statim post mortem Christi scissum est templi velum. Luce 23. ergo etiam lex antiqua in morte Christi mortua fuit & antiquata.

§. II.

An tota lex antiqua equaliter sit mortua?

Nota. Aliud esse præcepta antiquæ legie, si mortua, aliud esse mortifera. Mortuæ, eo dicuntur, quod careant efficacia obligandi ad sui observantiam; mortifera vero, quod sine gravi peccato observari non possint; adeoque posito sit

CONCLUSIO QUARTA. Lex Moysica, quantum ad omnia præcepta non fuit equaliter mortua. Unde præcepta moralia quod antiquæ legis titulum, & quasdam circumstantias ipsi statim proprias, ut est v.g. cultus Sabbati, fuerint mortuae; vigent tamen etiamnam quod substantiam; siquidem ut sic pertinent ad legem nature, sunt confirmata per Evangelium.

Præcepta cærimonialia ita quoad substantiam sunt mortua, ut etiam sint observantibus mortifera, quia illius legis cærimonie erant umbra, protellations, annunciations Christi ventus; sed manifestata jam Dominicæ adventus, & Redemptoris veritate, non amplius est licet praedicare vel annunciare adventum Christi futurum: ergo.

Præcepta demum judicialia sunt quidem quoad substantiam mortua, non tamen sunt per se mortifera. Sunt mortua quod substantiam, quia ordinabantur tum ad bonum politicum Republicæ Isæliticæ, tum ad Ch. istum figurandum; sed tam figuræ Christi, quam Republicæ Isæliticæ exprimirunt: ergo. Non tamen per se sunt mortifera, quia multa continent ex aequitate naturali deducta, publicæque tranquillitat accommoda, neque ad annunciatum Christi adventum præcise ordinata.

CONCLUSIO QUINTA. Præcepta cærimonialia antiquæ legis a passione Christi aliquando divulgationem Evangelii suæ mortuæ, non mortifera: ab hujus vero divulgatione etiam mortifera: S. D. q. 103. a. 4. ad 1. Et quidem prior pars habetur exemplis S. Script. nam & Timotheus ad Apostoli Pauli post Christi passionem fuit circumcisus. Et Act. 19. Apostoli fidelibus precepit, ut abstinerent a suffocatu, quorum trunque pertinebat ad cærimonias antiquæ legis. Ratio totius responsonis est: quod post factam toto orbe promulgationem, & divulgationem legis Evangelicæ, non sit conveniens, amplius exerceri ritus Judaice genti proprios, & Christi venturi protestativos; initio vero præcognitionis Evangelicæ, ut facilior esset Iudeorum conversionis, & in unam Ecclesiam unâ cum gentilibus adunatio, poterant aliqui ritus Iudei ab Apostolis permittri, & bona intentione exerceri dummodo non fierent ut signa protellativa Christi venturi, aut ut media necessaria ad salutem.

ARTI-